



I kam long Elda  
Kevin W. Pearson  
Blong Olgeta Seventi

# Yu Huia Stret



Papa long Heven i lavem yumi. Hem i wantem helpem yumi blong save huia yumi. Hem i krietem ol spirit blong yumi bifo yumi kam blong laef long wol ia. Yumi ol pikinini boe mo pikinini gel blong God.

Samtaem yumi filim se yumi stap yumiwan o wari se bae yumi neva gud inaf. Jisas Kraes i save stret wanem filing blong yumi. Hem bae i helpem yumi winim eni jalenj. Ol had samting we yumi fesem long laef ia i save helpem yumi kam moa olsem Jisas Kraes sapos yumi tanem yumi go long Kraes.

Gospel ia i helpem blong yumi luk yumi olsem we Papa long Heven i luk yumi. Tru long fet blong yumi long Jisas Kraes, ol hadtaem blong yumi oli save kam ol blesing. !Blong save huia yu mo olsem wanem God i luk yu, bae i blesem eniwan nomata hamas yia hem i gat!

Taem yumi kam blong andastanem huia yumi olsem pikinini blong God, bae yumi save lukluk nomo i go long huia Papa long Heven i wantem yumi blong kam. Bae yumi fesem ol jalenj blong yumi *wetem* Hem. Iven sapos yumi no stret evriwan mo bae yumi mekem ol mistek, yumi save faenem hop long save ia se yumi ol pikinini blong God. ●

*I kam long wan intaviu wetem Olivia Kitterman mo Diana Evelyn Nielson.*

## Faenem Ol Fevret

Yumi evriwan i defren. Yumi gat ol defren talen, ol samting we yumi laekem, mo no laekem. !Be yumi evriwan i ol pikinini blong God!

Yusum ol aedia we i help blong kasem stret ansa, blong fulumap jat ia mo faenemaot wanem wanwan long ol fren ia oli laekem. Aedia we i help blong kasem stret ansa: Putum wan X long wanem yu save se i *no* tru. Faswan oli mekem blong yu. Taem yu finis, wanwan laen i sud gat wan emti skwea!

1. Piano pleia i no blong Amara o Jade.
2. Max i no laekem matematik.
3. I nogat wan long ol boe i plei wan miusik tul o karate.
4. Gel we i laekem ol animol i no Amara.
5. Kai hem wan nomo we i laekem basketbol.



Stap Danis



BasketBol



Karate



Matematik



Ol animol



Piano



Eva



Kai



Aaron



Jade



Max



Amara

					X
					X

OL ANSA: EVA—PIANO, KAI—BASKETBOL, AARON—MATEMATIK, JADE—OL ANIMOL, MAX—DANIS, AMARA—KARATE

PIKINIDROING I KAM LONG SABRINA GABRIELLI